

Na osnovu člana 13. stav 2 Zakona o principima lokalne samouprave u Federaciji BiH („Službene novine FBiH“ broj:49/06 i 51/09) i člana 70. stav 1. tačka 2. Statuta Općine Vogošća, („Službene novine Kantona Sarajevo“, broj: 27/14- Prečišeni tekst, 14/15 i 9/20), Općinsko vijeće Vogošća na sjednici održanoj 31.03.2020. godine donijelo je

PRIVREMENU ODLUKU

o načinu održavanja elektronskih ili telefonskih sjednica Općinskog vijeća

Član 1.

Ovom Odlukom se uređuje način održavanja sjednica Općinskog vijeća za vrijeme važenja Odluke o proglašenju stanja prirodne i druge nesreće zbog opasnosti od širenja zarazne bolesti uzrokovane koronavirusom (COVID -19) na području Kantona Sarajevo broj 02-04-7986-1.1/20 od 18.03.2020. godine

Član 2.

1. Elektronska ili telefonska sjednica Općinskog vijeća se zakazuje izuzetno i na istoj se razmatraju Odluke i drugi akti koji su neophodni za odvijanje rada Općine u uslovima stanja prirodne i druge nesreće zbog opasnosti od širenja zarazne bolesti uzrokovane koronavirusom (COVID-19)
2. Sjednicu zakazuje Predsjedavajući Općinskog vijeća putem e-maila ili telefona (viber ili sms), sa predloženim dnevnim redom i prijedlogom odluka ili drugih akata o kojim se izjašnjavaju Općinski vijećnici.
3. Predsjedavajućeg u slučaju njegove odsutnosti mijenjaju zamjenici u skladu sa odredbama Poslovnika Općinskog vijeća Vogošća.
4. U tačno određenom vremenu održavanja sjednice Općinski vijećnici se putem e-maila ili telefonski (viber ili sms) izjašnjavaju o predloženom dnevnom redu i prijedlogu odluke ili drugog akta. Nakon završenog glasanja Općinskim vijećnicima se dostavlja povratna informacija o rezultatima glasanja za predloženu odluku ili drugi akt.
5. Prijedlog dnevnog reda, prijedlozi Odluka ili drugih akata i pojedinačni e-maili, viber ili sms poruke Općinskih vijećnika o izjašnjavanju se printaju i trajno čuvaju u arhivi Općinskog vijeća.
6. Donesene odluke i drugi akti zbog njihove važnosti i hitnosti stupaju na snagu danom donošenja, a naknadno se objavljuju na Oglasnoj ploči i u „Službenim novinama Kantona Sarajevo“.

Član 3.

Na identičan način postupa se kod zakazivanja i održavanja neophodnih sjednica radnih tijela i Kolegija vijeća

Član 4.

Ova Odluka stupa na snagu danom donošenja, a naknadno će biti objavljena na Oglasnoj ploči Općine Vogošća i u „Službenim novinama Kantona Sarajevo“

Broj:01-02-668/20
Vogošća,31.03.2020. godine



OBRAZLOŽENJE

PRAVNI OSNOV:

Pravni osnov za donošenje privremene odluke o načinu održavanja elektronskih ili telefonskih sjednica Općinskog vijeća je:

- član 13. stav 2. Zakona o principima lokalne samouprave u Federaciji BiH („Službene novine FBiH“ broj:49/06 i 51/09), kojim je propisana nadležnost Općinskog vijeća.
- Član 70. stav 1. tačka 2. Statuta Općine Vogošća, Općinsko vijeće Vogošća („Službene novine Kantona Sarajevo“, broj: 27/14- Prečišeni tekst, 14/15 i 9/20) koji glasi : „Općinsko vijeće nadležno je da donosi odluke, druge propise i opće akte i daje njihovo tumačenje.“

RAZLOZI DONOŠENJA:

- Povodom proglašenja stanja nesreće uzrokovane koronavirusa (COVID-19), na području FBiH u Sarajevu 17.02.2020. godine održana je vanredna sjednica Federalnog štaba civilne zaštite na kojoj su donjete naredbe, kojima je naloženo lokalnim samoupravama, kantonalnim upravama, privrednim društvima, fizičkim i pravnim licima i građanima mjere postupanja u skladu sa Odlukom o proglašenju stanja nesreće uzrokovane pojavom koronavirusom (COVID -19) na području FBiH.
- Naredba Federalnog Štaba civilne zaštite Federacije BiH broj:12-40-148-2/2020 od 17.03.2020. godine
- Odluka o proglašenju stanja prirodne i druge nesreće zbog opasnosti od širenja zarazne bolesti od koronavirusa (COVID-19) na području Kantona Sarajevo broj:02-04-7986-1.1./20 od 18.03.2020. godine.

FINANSIJSKA SREDSTVA:

Za realizaciju ove Odluke nisu potrebna finansijska sredstva

OBRAZLOŽENJE HITNOSTI:

Član 129. stav 1. Poslovnika – ako je donošenje Odluke ili drugog akta Općinskog vijeća hitno prijedlog odluke može se podnijeti Općinskom vijeću na sjednici bez predhodne rasprave u odgovarajućim tijelima ili organima,

RAZLOZI HITNOSTI:

Zbog nemogućnosti održavanja sjednica Općinskog vijeća po procedurama održavanja redovnih sjednica propisanih Poslovníkom a u cilju donošenja odluka i drugih akata neophodnih za odvijanje rada Općine u uslovima stanja prirodne i druge nesreće zbog opasnosti od širenja zarazne bolesti uzrokovane koronavirusom (COVID-19) neophodno je donošenje predložene odluke po hitnom postupku kako bi Vijeće moglo nastaviti rad u navedenim okolnostima.